

Oñati

OÑATI / Egubakoitza / 2005eko urriaren 28a / 25. zenbakia

KOORDINATZAILEA: Oihana Elortza • Barrenkalea 33 BERGARA 20570 • Tel.: 943 25 05 02 • Faxa: 943 25 05 13 • Posta elektronikoa: oinati@goiena.com • Lege gordailua: SS482/05

Umeendako zinema denboraldia hastear da

OIHANA ELORTZA


Datorren asteburuan hasiko da umeendako zine denboraldi berria. Zapatu eta domekutan izango da, 17:00etan. Zinekluba ere martxan da eta eguenetan da aurten ere. Ikuslearen egunean, astelehena, hiru euro balio du sarreak; eta gainerakoetan, lau.

Azaroaren lehen asteburuan hasiko da umeendako zine denboraldi berria. Bi emanaldi egingo dituzte aurten ere, zapatuan eta domekan, 17:00etan. Dagoeneko ekarri dituzte lehen bi pelikulak: *Robots* eta *Heroe a rayas*.

IKUSLE KOPURUA

2003ko urtarrilean zabaldu zuten zine areto berria. 130 lagun sartzen dira barruan; horietako bi eserleku gutxitu fisikoendako gordeta daude.

Domeka iluntzeko emanaldira joaten da, batez ere, jendea eta baita zapatu gauekora ere. Joan den urtean, 14.720 ikusle joan ziren zinera. Aurten, iraila arte, 6.809 lagun joan dira. Urrian, ordea, arrakasta handia izan duten filmak bota dituzte eta jen-



Obaba filma ikusteko jende ilara sortu zen astelehen iluntzean.

de asko joan da horiek ikustera: *Aupa Etxebeste!* 1.118 lagunek ikusi dute bota dituzten hamar emanaldietan eta *Obaba* zazpi aldiz eman dute.

ZINEKLUBA

Zineklubak ikusle kopuru nahiko finkoa du: 50-60 bat lagun joaten dira, batez beste, eguenero. Hark ere hasi du denboraldia.

25. URTEURRENA

Kirolaz jardun dute Larrain Gainen

O.E.

Larrain Gain elkarteak kirolari buruzko mahai inguru bat egin zuen martitzenean. 25 urte bete ditu aurten elkarte gastronomiko horrek eta urteurrena ospatzeko antolatutako ekitaldietako bat izan da.

Kirolaren gaur egungo egoerari buruz hitz egin zuten Javier Clemente futbol entrenatzaileak, Jon Odriozola Orbea txirrindulari taldeko zuzendariak, Juan

Luis Larrea Gipuzkoako Futbol Federazioko presidentek, Mikel Etxarri Realeko ordezkariak eta Julen Iriondok. Aitor Elkoro ez zen joan azkenean.

TENIS TXAPELKETA

Elkartearen urteurrena ospatzeko, tenis txapelketa ere antolatutako dute. Finala Larrain Gainen bertan jokatu zuten. Nagusien mailan, Abel Hernandezek irabazi du eta gaztetxoaren mailan, Mikel Zubiagirrek.



30 bat lagun elkartu ziren kirolaren gaineko kontuak entzuteko.



Guatemalara laguntzera

Amaia Goitia oñatiarra Guatemalara joan da Durangoko beste bi neskekin batera. Guatemalan, gutxituendako eskola ireki gura dute eta dirulaguntza eskatzen dute horretarako. Hala ere, azken asteetan Guatemalan izan dituzten uholdeak direla eta, beste behar batzuk lehentsiko dituzte.

Dagoeneko Guatemalara abiatu dira baina dirulaguntza jasotzeko Euskadiko Kutxan zabaldu duten kontu korrontea irekita dago: 30350005380050040560./O.E.

LABUR

Gerardo Markuleta saritu du Arabako Diputazioak

Ezjakintasunak izeneko lanarekin irabazi du Gerardo Markuleta idazle oñatiarrak Arabako Diputazioak antolatutako Ernestina Champourcin izeneko poesia lehiaketan. Gaztelarazko atalean, Maria Jose Alvarezek irabazi du. Guztira, 68 lan aurkeztu dituzte, horietatik 10, euskaraz.


Epaimahaiak saritu du Gerardoren lana aberatsa delako, gertutasuna ikusten delako, hizkuntzagatik eta zuzena delako, besteak beste.

UGARTE

AROTZTEGIA-ALTZARIAK



- Arotz lanak orokorrean



- Horma armairuak
- Altzariak
- Leihoak
- Ateak



ALTZARI DENDA
Ikerleku zeharbidea • BERGARA
Tel.: 943 03 46 30

ERAKUSKETA ETA TAILERRA
San Juan 1A • BERGARA
Tel.: 943 76 54 91/ Faxe: 943 76 08 04



Udazkena - negua

Mirari
JANTZIDENDA

Martoko 34 Bergara 943 76 23 93

Neurriak
38tik 60ra



**DAGOENEO ABIANDIRA #86. ETA #79. PROIEKTUAK:
AGORROINGO ETA MUSAKOLAKO
KIROL EREMU BERRIAK.**

Inbertsioa: 3.600.000 euro

Debagolenan kirol guztia guztion esku jartzen duten proiektuak. Dagoeneko proiektutik haratago dauden proiektuak. Aparteko Inbertsio Planaren barruan aurrera doazen errealitateak dira. Elgetako salhesbidea eta autopista berria, edo Arantzazuko Gandiaga Zentroa eta Bergarako antzoki proiektu berria bezalaxe... Egunetik egunera errealitate bihurtzen ari zaren proiektuak dira.

Aparteko Inbertsio Plana.
Debagolenan ere bai.

Aparteko Inbertsio
Plana 2004-2007



Plan extraordinario
de Inversiones 2004-2007



Gipuzkoako Foru Aldundia
Diputación Foral de Gipuzkoa

